



СЛУЖБЕНИ НОВИНИ

АУТОНОМНЕЙ ПОКРАЈИНИ ВОЙВОДИНИ

„Службени новини АПВ“ виходза, по потреби, на шейсц языкох: сербским, мадярским, словацким, румунским, руским и горватским. - Рукописи ше не враца – Оглашки по тарифи	Нови Сад 22. октобер 2025. Число 54 Рок LXXVI	Рочна предплата 15.000 динари - Термин за рекламациј 15 днї. - Редакция и администрация: Нови Сад, Войводи Мишича 1 ISSN 0353-8419 COBISS.SR-ID 10640140 Email: sl.listapv@magyarszo.rs
--	--	---

ОБЩА ЧЛАСЦ

1391.

На основи члена 16, 24. и 43. Покраїнскей скупштинскей одлуки о покраїнскей управи («Службени новини АПВ», число 37/2014, 54/2014 – др. одлука, 37/2016, 29/2017, 24/2019, 66/2020, 38/2021 и 22/2025) и члена 11. Покраїнскей скупштинскей одлуки о бюджету АП Войводини за 2025. рок («Службени новини АПВ», число 57/2024, ребаланс 38/2025 – ребаланс 53/2025), покраїнски секретар за привреду и туризем (у дальшим тексту: покраїнски секретар), приноси

ПРАВИЛНИК О ДОДЗЕЛЪОВАЊУ БЕЗПОВРАТНИХ СРЕДСТВОВ ЛОКАЛНИМ САМОУПРАВОМ ЗОЗ ТЕРИТОРИЈ АП ВОЙВОДИНИ ЗА ФИНАНСОВАЊЕ ПРОЕКТОХ ЗОЗ ОБЛАСЦИ ЕЛЕКТРОНСКИХ КОМУНИКАЦИЈОХ И ИНФОРМАЦИЈНОГО ДРУЖТВА ЗА 2025. РОК

ОБЩИ ОДРЕДБИ

Член 1.

З Правилником о додзельованю безповратних средствох локалним самоуправом зоз території АП Войводини за финансиоване проектох зоз обласци електронских комуникацийох и информацийного дружтва (у дальшим тексту: Правилник) ше предписуе: цель, наменку средствох, Явни конкурс за додзельоване средствох, право участвованя на Конкурсу, обовязну документацию, висину додзельованя средствох, поступане з приявами, способ одлучованя, критериуми за додзельоване средствох, заключоване контрактох, способ провадзения вивершеня контракту и други питаня цо значни за реализацию Явного конкурсу за додзельоване безповратних средствох локалним самоуправом зоз території АП Войводини за финансиоване проектох зоз обласци електронских комуникацийох и информацийного дружтва за 2025. рок (у дальшим тексту: Явни конкурс).

Средства обезпечени зоз Покраїнску скупштинску одлуку о бюджету Автономней покрајини Войводини за 2025. рок («Службени новини АПВ», число 57/2024, ребаланс 38/2025 и ребаланс 53/2025) у рамикох Програми 0703 – Телекомуникаций и информацийне дружтво, Програмна активносц 1001 – Стимуловане розвою електронских комуникацийох и информацийного дружтва, Функционална класификация 460 – комуникаций, Економска класификация 4632 – Капитални трансфери иншим уровнем

власци, жридло финансиованя: 01 02 – Общи приходи и приманя бюджету – надополнения и други приходи по окремих законах и 13 02 – Нерозпоредзени звишок приходов и приманьох зоз скорейших рокох.

ЦИЛЬ

Член 2.

Циль Явного конкурсу то стимуловане розвою електронских комуникацийох и информацийного дружтва у локалних самоуправах на території АП Войводини, чий ступень розвитосци у розпону 80% по 100%, 60% по 80% и меней як 60% републичного просеку, у складзе з Уредбу о утврждованю единственей лістини розвитосци регионох и єдинкох локалней самоуправи.

НАМЕНКА

Член 3.

Безповратни средства хтори ше додзельоє мож хасновац за финансиоване реализаций тих проектох:

1. Запровадзованє готспот локацийох у локалних самоуправах у АП Войводини хтори гражданоє оможљивя шлсбодни приступ гу интернету

Готспот локация, у смислу того конкурсу, то: главна площа, шейталіше, парк, простор автобускей и гайзибанскей станїци, явни простор опрез општинскей управи, здравствени установи, явна плажа, явна туристична локация, явни места од историйней и культурней значносци и други значни локаций. Средства определени зоз цильом оможљивованя гражданоє хасновац єдну або вещей готспот локаций за явни безплатни приступ гу интернету. Локална самоуправа длужна гу прияви на Явни конкурс доручиц идейни або главни проект и обезпечиц шицки необхідни условия и согласносци за запровадзоване готспот локацийох. Безповратни средства мож хасновац лем за запровадзоване готспот локацийох. Локална самоуправа длужна запровадзени локаций отримовац у функционалним стану.

2. Уводзєнс системи видео-надпатрунку до воспитно-образовних установох пре зveckшанс безпечносци предшколцох, школярох и наставно-образовного персоналу, як и зашиту обсктох (БЕЗПЕЧНА УСТАНОВА)

Систему видео-надпатрунку по тей точки мож имплементовац до шицких установох воспитно-образовного характера (предшколски установи, штредні школи и основни школи) з целью звекшания безпечности предшколцох, школярох, наставного и воспитно-образовного персонала. Локална самоуправа длужна гу прияви на Явни конкурс доручиц идейни або главни проект, согласносц установи за реализацию проекту як и оможливиц запровадзоване надпатраюцого центру до установи.

ВИСИНА ДОДЗЕЛЬОВАНИЯ БЕЗПОВРАТНИХ СРЕДСТВОВ

Член 4.

Подношитель вимагания може поднесц прияву по шицких точкох Явного конкурса:

1. За запровадзоване готспот локацийох вимагани средства не могу буц векши як **200.000,00 динари** по готспот локаций.

Локални самоуправи могу конкуровац за **найвещей пейц готспот локаций**.

2. За уведзене системи видео-надпатрунку до воспитно-образовних установох пре звекшане безпечности предшколцох, школярох и наставно-образовного персонала, як и заштити обектох (**БЕЗПЕЧНА УСТАНОВА**) средства не могу буц векши як **600.000,00 динари** по установи.

Локални самоуправи могу конкуровац за **найвещей два установи**.

Локални самоуправи по шицких точкох Явного конкурса могу вимагац максималну суму **1.200.000,00 динари**.

Покраїнски секретарият за привреду и туризем додзелюе безповратни средства по предмери и предрахунку зоз проектно-технічней документаций.

ЯВНИ КОНКУРС ЗА ДОДЗЕЛЬОВАНИЕ СРЕДСТВОВ

Член 5.

Безповратни средства ше додзелюе на основи Явного конкурса за додзельоване безповратних средствох локалним самоуправом зоз територій АП Войводины за финансване проектох зоз обласци електронских комуникацийох и информацийного друства.

Текст Явного конкурса ше обявюе у «Службених новиных АП Войводины» и на интернет-боку Секретариату www.spriv.vojvodina.gov.rs, як и у єдних дньових новиных хтори ше дистрибуе на цалей територій АП Войводины.

Член 6.

Обязни елементи Явного конкурса тоті:

- назва акта на основи хторого ше го розписуе;
- висина вкупних средствох яки предвидзени за додзельоване по Явним конкурсу;
- наменка средствох;
- право и условия за участвоване на Явним конкурсу;
- способ и термин за подношене приявох на Явни конкурс;
- критериуми за оценьоване приявох;
- обявна документация хтору ше подноши на Явни конкурс и
- други податки од значносци.

ПРАВО УЧАСТВОВАНИЯ НА ЯВНИМ КОНКУРСУ

Член 7.

Право участвовац на Явним конкурсу маю локални самоуправи зоз територій Автономней покраїни Войводины, чий ступень развитосци у розпону 80% по 100%, 60% по 80% и меней як 60%

республичного просеку, у складзе зоз Уредбу о утвердзованю єдинственей лістини развитосци регионох и єдинкох локалней самоуправи («Службени глашнік РС», число 104/2014).

ДОКУМЕНТАЦИЯ ЯКУ ШЕ ПОДНОШИ НА ЯВНИ КОНКУРС

Член 8.

На Явни конкурс ше обявна подноши тоту документацию:

1. выполнену, подписану и з печатом оверену прияву за участвоване на Явним конкурсу (**формулар 01**);
2. идейни проект або главни проект з предмеру и предрахунком;
3. выполнену, подписану и з печатом оверену вияву подношителя вимагания же не ма невимирени обявки гу Секретариату, по основи скорей подписаних контрактох, чий термин за реализацию вишол (**формулар 02**);
4. согласносц образовней установи за реализацию проекту за точку 2. зоз члена 3. Правилніку;
5. Одлуку компетентного органа локалней самоуправи о реализаций предложених проектох.

Секретарият затримуе право з текстом Явного конкурса питац додатну обявну документацию.

Документацию яку ше подноши на Явни конкурс ше не враца.

Секретарият затримуе право од подношителя прияви, по потреби, питац додатну документацию и информаций.

СПОСОБ И ТЕРМИН ЗА ПОДНОШЕНИЕ ПРИЯВОХ

Член 9.

Прияви на Явни конкурс ше подноши лем на привяних формуларох хтори часц Явного конкурса и хтори мож найсц на сайту Секретариату: www.spriv.vojvodina.gov.rs и з предписану документацию доручуе у завартей коверти на тоту адресу: Покраїнски секретарият за привреду и туризем, Булевар Михайла Пупина 16, 21000 Нови Сад, з назначеньом на преднім боку коверти: «ПРИЯВА НА ЯВНИ КОНКУРС ЗА ДОДЗЕЛЬОВАНИЕ БЕЗПОВРАТНИХ СРЕДСТВОВ ЛОКАЛНИМ САМОУПРАВОМ ЗОЗ ТЕРИТОРИЙ АП ВОЙВОДИНЫ ЗА ФИНАНСОВАНИЕ ПРОЕКТОВ ЗОЗ ОБЛАСЦИ ЭЛЕКТРОНСКИХ КОМУНИКАЦИЙОХ И ИНФОРМАЦИЙНОГО ДРУЖТВА ЗА 2025. РОК» по пошти або особне на писарніци покраїнских органах (на дату адресу) у чаше од 900 по 1400 годзин.

Термин за подношене приявох не може буц кратши як 15 дні по обявйованю Явного конкурса у дньових новиных и на интернет-боку Секретариату.

ПОСТУПОК ДОДЗЕЛЬОВАНИЯ СРЕДСТВОВ

Член 10.

Покраїнски секретар з Ришеньом формуе окремну Комисию за запровадзоване Явного конкурса (у дальшим тексте: Комисия).

Членох Комисії ше менуе зоз шора занятых у Секретариату, а мож ангажовац и екстерних фаховцох з обласци за хтору розписани явни конкурс або други особи хтори роботно не ангажовани у Секретариату.

Члени Комисії длужни подписац вияву же не маю приватни интерес у вязи з роботу и одлучованьом Комисії, односно запровадзованьом Явного конкурса.

У случаю спознания же є у зраженю интересох, член Комисії длужен о тим такой информовац других членох Комисії и внокремиц ше з дальней роботи Комисії.

У зависносци од числа прияхов цо сцигли на Явни конкурс, покраїнски секретар, на предкладане председателя Комисії, зоз шора занятих одредзи особи за евидентоване и контролу формалней исправносци прияхов.

По потреби, на предкладане Комисії, покраїнски секретар може наложиц окончич додатну контролу усоглашеносци податкох з конкурсней прияви и дорученой документациї з фактовим станом на самим месце у учашніка на Явним конкурсу, о чим ше прави звит/записнік.

Покраїнски секретар розпатра предкладаня Комисії и приноши Одлуку о додзельованю безповратних средств хасновательом (у дальшим тексту: Одлуку). Одлука конечна и против ней не мож уложиц правни лік.

Одлуку ше обявює на интернет-презентациї Секретариату www.spriv.vojvodina.gov.rs / Конкурси / Одлуке.

Член 11.

Не будзе ше розпатрац:

1. Неблагочасни прияви (прияви хтори поднєшени по виходзенью термину яки предвидзени у Явним конкурсу)¹;

¹ Под благочасну ше трима тоту прияву хтору ше прида найпознейше на дзень виходзенья термину непоштредно на писарниці покраїнских органах управи або тоту хтору ше пошле найпознейше исти дзень з препоручену посилку Секретариату, цо мож видзиц по печацу, або потвердзенью пошти або подобного доручовача.

2. недошлебодзени прияви (прияви хтори поднєсли неовласцени особи и субекти хтори не предвидзени з конкурсом, односно тоти хтори ше не одноша на з конкурсом предвидзени наменки);
3. неподполни и нерозумліви прияви (прияви гу хторим не приложени шипки потребни докази, неподписани прияви, прияви з невиконанима рубриками, прияви виконани з руку, прияви хтори послати по факсу або електронскей пошти (e-mail), прияви хтори не поднєшени на одвитуємим формуларе, без обовязних виконаних податкох у прияви, прияви хтори маю нерозумліви и нечитки податки и подобне), прияви гу хторим не приложена потребна и вимагана документация;
4. прияви подношительох хтори хасновали средства Покраїнского секретариату за привреду и туризем, а у контрактным термину не виконили контрактно обовязки гу Секретариату за привреду и туризем.

КРИТЕРИУМИ ЗА ДОДЗЕЛЬОВАНЄ БЕЗПОВРАТНИХ СРЕДСТВОВ

Член 12.

При приношенью одлуки о додзельованю средств остатнім хасновательом, прияви цо сцигли ше розпатра з применьованьом тих критериумох:

П.Ч.	КРИТЕРИУМИ	ЧИСЛО БОДОХ
1.	Число проєктох хтори реализовали локални самоуправи у обласци інформаційно-комуникаційних технологійох остатні три роки	вещей як 5
		од 3 по 5
		до 3
2.	Потерашнє хаснованє средств	не хасновала средства
		хасновала средства
3.	Значносц проєкту за локалну самоуправу	висока
		штредня
		нізка
4.	Уплів проєкту на привредни, туристични або образовно-воспитни розвой локалней самоуправи	високи
		штредні
		нізки

ЗАКЛЮЧОВАНЄ КОНТРАКТОВ

Член 13.

З Одлуку о додзельованю средств ше утвердзи поєдинечни суми средств по хасновательови.

На основи Одлуки о додзельованю средств ше заключає контракт медзи Секретариатом и хасновательом средств з яким ше регулує медзисобни права и обовязки.

Учашнік Явного конкурсу хторому ше з Одлуку одобри средства (у дальшим тексту: хаснователь средств), пред заключованьом контракту Секретариату доручує **вияву**:

- о даваню согласносци на одобрену суму средств.

ОБОВЯЗКИ ХАСНОВАТЕЛЬОВ СРЕДСТВОВ

Член 14.

Хаснователь средств длужен:

- у шипких явних публикаційох навесц же у субвенционованю видаткох проєктох з обласци електронских комуникаційох и інформаційного друства участвовала АП Војводина, Покраїнски секретариат за привреду и туризем;
- оможлівиц Секретариату мониторинг 12 мешаца по подписованю контракту;
- оможлівиц бюджетней инспекції незавадзану контролу наменкового и законїтого хаснованя средств.

ПРОВАДЗЕНЄ ВИВЕРШЕНЯ КОНТРАКТУ

Член 15.

Хаснователь средств ма обовязку Секретариату поднєсц наративно-описни и финансийни звит, зоз приложену провадзацу документацию о реализації проєкту о наменковим и законїтим трошенью средств у чаше яки утвердзени з Контрактом за реализацию проєкту.

Финансийни звит муши облапц докази о потрошених средств, з комплетну документацию з яку ше оправдує наменкове

и законїте хаснованє достатих средствох, яки потребни за реализацию проєкту (документацию о запровадзеним поступку явних набавкох, виводи з Управи за трезор, фактури, контракти, закончени ситуациї, звит фахового надпатрунку, документ о технічнім присму обекту и друге) хтору оверели овласцени особи. Локална самоуправа длужна у рамкох финансийного звиту доручиц комплетну документацию у складзе зоз Законом о явних набавкох.

За реализацию активносцох локална самоуправа ма обовязку почитовац шицки одредби Закона о явних набавкох и одредби Закона о планованю и вибудови, як и обезпечиц фахови надпатрунок над окончованьом роботох. Шицку документацию о реализованих активносцох локални самоуправи длужни доручиц Покраїнскому секретариату за привреду и туризем по закончено роботох у форми наративно-финансийного звиту.

Секретариат, як даватель средствох, затримує право од хаснователя средствох, по потреби, питац додатну документацию и информации.

Стан на терену мож проверйовац и 12 мешац по подписованю контракту, а контролю запровадзує овласцена особа Секретариату або комисија хтору ше формує з Ришеньом покраїнского секретара за окончованє мониторингу.

Средства зоз бюджету АП Войводини, хтори предмет контракту, подлегу под контролю применюваня законом у обласци материялно-финансийного ділованя и наменкового и законїтого хаснованя средствох хтору окончує служба бюджетней инспекциї.

РАХОВАНЄ ТЕРМИНОХ

Член 16.

Термин, яки одредзени по дньох, почина перши дзень после дня або подїї од хторей ше термин рахує, а закончує з виход-

зеньом остатнього дня термину².

Кед остатні дзень термину пада на дзень кед зоз законом одредзене же би ше не робело або всоботу и внедзелью, як остатні дзень термину ше рахує наступни роботни дзень.

ЗАКОНЧУЮЦИ ОДРЕДБИ ³

Член 17.

Зоз дньом ступаня на моц того правилніка, престава важиц Правилнік за додзельованє безповратних средствох локалним самоуправом з території АП Войводини за финансване проєктох зоз обласци електронских комуникацийох и информацийного друства за 2024. рок, число: 002513168 2024 09425 002 000 401 117 од 29. августа 2024. року («Службени новини АПВ», число 37/2024).

Член 18.

Правилнік ступа на моц осми дзень по обявйованю у «Службених новинох АП Войводини».

ПОКРАЇНСКИ СЕКРЕТАРИАТ ЗА ПРИВРЕДУ И ТУРИЗЕМ

ЧИСЛО: 004230312 2025 09425 002 000 401 117

ДАТУМ: 22.10.2025. року

ПОКРАЇНСКИ СЕКРЕТАР,
Др Ненад Иванишевич, с.р.

² Рахованє терминов почина по обявйованю Явного конкурсу у єдних дньових новинох и на интернет-боку Секретариату.

³ Надпомнуце: Шицки генерично неутрални термини хтори написани у хлопским роду облапяю исти поняца у женским роду.

Надпомнуце:

У тих «Службених новинох АПВ» ше не обявює Окремну и Огласну часц, у складзе зоз членом 5. пасус 2. Покраїнскей скупштинскей одлуки о обявйованю предписаньох и других актох («Службени новини АПВ», число 54/14, 29/17 и 12/18).

З М И С Т

Редни број	Предмет	Страна
------------	---------	--------

ОБЩА ЧАСЦ**ПОКРАЊНСКИ СЕКРЕТАРИЯТ ЗА ПРИВРЕДУ И
ТУРИЗЕМ**

1391. Правилник о додзельованю безповратних средствох локалним самоуправом зоз території АП Войводи-ни за финансоване проєктох зоз обласци електрон-ских комуникацийох и информацийного дружтва за 2025. рок. 2841

ОКРЕМНА ЧАСЦ**ПОКРАЊНСКА ВЛАДА**

1392. Ришене о даваню согласносци на Штварту вименку Програми роботи и Штварти вименки и дополненя Финансийного плану Фонду за вибеженцох, роз-селени особи и сотрудництво зоз Сербамы у региону за 2025. рок.

ОГЛАСНА ЧАСЦ**ПОКРАЊНСКИ СЕКРЕТАРИЯТ ЗА СОЦИАЛНУ
ПОЛИТИКУ, ДЕМОГРАФИЮ И РОВНОПРАВНОСЦ
ПОЛОХ**

1393. Явни конкурс за финансоване, односно софинан-соване мирох, активносцох и програмох у обласци социальной заштиты у 2025. року.

ПОКРАЊНСКИ СЕКРЕТАРИЯТ ЗА ЗДРАВСТВО

1394. Явни конкурс за финансоване, односно софинансо-ване наглих капиталних оправкох у здравствених установох у 2025. року.

ОГЛАШОВАНЕ СТРАЦЕНИХ ДОКУМЕНТОХ ЗА НЄВАЖАЦИ: 300 динари

Уплацоване на рахунок ч. 340-15329-18/поволанка на ч. 13/Д.о.о. Мадяр Со Кфт. Нови Сад, Войводи Мишича ч. 1
Текст оглашки, з подтвердзеньом о уплацованю (прикладник або фотокопию уплатници) посилац на адресу:
„Службени новини АПВ” Д.о.о. Мадяр Со Кфт, Войводи Мишича ч. 1, Нови Сад

Видаватель: Покраїнски секретариат за образование, предписаня, управу и национални меншини – национални заєднїци

Одвичательни редактор: Дияна Катона Тел. 021- 487 44 27.

Друкуе: Д.о.о. Мадяр Со Кфт. Друкарня ФОРУМ, Войводи Мишича ч. 1, Нови Сад, Телефони; Редакция 064 805 5142,
Служба предплати: 021 557 304, Одделене за оглашки: 021 456 832, е-маил: sl.listapv@magyarszo.rs